

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarneranik Inatsisartut inatsisaat (Partiit aningaasaqarnerisa Inatsisartut allaffeqarfiata missingersuutaanit immikkoortinneqarnerat)

§ 1

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaanni nr. 1, 31. maj 2001-meersumi kingullermillu Inatsisartut inatsisaatigut nr. 8, 1. juni 2006-imeersukkut allanngortinneqartumi ima allanngortitsisoqassaaq:

1. § 1-imi imm. 3-p kingorna ilanngunneqassapput:

"Imm. 4. Kalaallit Nunaanni Namminersorlutik Oqartussat partiinut, kattusseqatigiinnut kisimiillutilluunniit qinigaasunut aningaasatigut toqqaannartumik toqqaannanngikkaluamilluunniit tapiissuteqarsinnaanngillat, tamanna inatsimmi matumani inatsimmiluunniit allami erseqqissumik tunngavissinneqarsimanngippat.

Imm. 5. Imm. 4 apeqqutaatinnagu Inatsisartunut ilaasortat inatsisartuni sulinerannut atatillugu allaffinnik, ataatsimiittarfinnik assigisaannillu Kalaallit Nunaanni Namminersorlutik Oqartussat akeqanngitsumik atugassiinnaapput."

2. § 2, imm. 1-imi ima allannguisoqassaaq:

"125.000 kr."-it "170.000 kr."-inik taarserneqassapput aamma "300.000"-it "650.000"-inik taarserneqassapput.

3. § 4, imm. 1-imi ima allannguisoqassaaq:

"125.000 kr."-it "170.000 kr."-inik taarserneqassapput.

4. § 9, imm. 2-mi oqaaseqatigiit sisamaasa kingorna ilanngunneqassapput:

"Naatsorsuutit tiguneqarpata Inatsisartut Siulittaasoqarfiannit tamanut saqqummiunneqassapput."

5. Inatsisartut inatsisaanni "Landstinget"-imik allaqqasut tamarmik "Inatsisartut"-mut allanngortinneqarput aammalu "Landstingets"-imik allaqqasut tamarmik "Inatsisartuts"-mut allanngortinneqarlutik.

6. Inatsisartut inatsisaanni "landstingsvalg"-imik allaqqasut tamarmik "inatsisartutvalg"-imut allanngortinneqarput aammalu "landstingsarbejdet"-imik allaqqasut tamarmik "inatsisartutarbejdet"-imut allanngortinneqarlutik.

7. Inatsisartut inatsisaanni "Landsstyret"-imik allaqqasut tamarmik "Naalakkersuisut"-mut allanngortinneqarput.

§ 2

Inatsisartut inatsisaat atortuulerpoq ulloq 1. januar 2010.

Kalaallit Nunaanni Namminersorlutik Oqartussat, ulloq 3. december 2009

Kuupik Kleist

/

Peter Schultz

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut